

Stortingets presidentskap  
Ekspedisjonskontoret  
0026 OSLO

Dykkar ref  
1039

Vår ref  
24/407-2

Dato  
2. februar 2024

## Spørsmål nr. 1039 fra stortingsrepresentant Une Bastholm til kommunal- og distriktsminister Erling Sande

Eg viser til brev av 26. januar frå Stortingets president med oversending av spørsmål nr.1039 frå stortingsrepresentant Une Bastholm.

### Spørsmål

Ordningen med innsigelse skal sikre at nasjonale og vesentlige regionale interesser, og andre vesentlige interesser, blir ivarettatt i kommunale planer. Kan statsråden gi en oversikt over antall innsigelser fra statsforvalterne hvert år i perioden 2008-2023, samt hvor mange av disse som ble fremmet for å ivareta hensynet til natur?

### Svar

Gjennom kommune-stat-rapporteringa (KOSTRA), som Statistisk sentralbyrå (SSB) administrerer, har vi god oversikt over talet på motsegner som er fremja av dei ulike sektorstyresmaktene og kva tema motsegnene er knytt til. Når det gjeld omsynet til natur, meiner eg det er mest relevant å sjå på motsegner i kategorien «naturmangfald, friluftsliv, landskap og grønstruktur». Vi har per i dag tal for perioden 2008–2022, ettersom tala for 2023 ikkje er klare enno. Tabellen på neste side gjev eit oversyn.

Eg gjer merksam på at det særleg på kommuneplannivå kan vere fleire område det er motsegn til, og med fleire ulike grunngevingar både per område og per plan. Talet på grunngevingar kan difor vere mykje høgare enn talet på planar det er fremja motsegn til. Talet på planar som har vore på høyring har òg variert mellom åra, og variasjonen i talet på grunngevingar for motsegn må sjåast i lys av det.

**Statsforvaltaren sine samla grunngevingar for motsegn og grunngevingar knytt til naturmangfald, friluftsliv, landskap og grønstruktur i perioden 2008–2022**

År	Kommune(del)plan - grunngevingar totalt	Kommune(del)plan - grunngeve i naturomsyn	Reguleringsplan – grunngevingar totalt	Reguleringsplan - grunngeve i naturomsyn
2008	163	52	514	124
2009	232	59	709	146
2010	298	45	444	84
2011	516	90	466	97
2012	227	43	501	98
2013	284	58	436	86
2014	458	63	281	47
2015	414	76	331	48
2016	282	59	255	33
2017	122	18	304	34
2018	340	61	351	48
2019	379	88	334	38
2020	228	41	374	52
2021	203	44	352	51
2022	278	77	323	62

Kjelde: Kostra, SSB.

Med helsing



Erling Sande

Kopi

Statsministerens kontor